

**ԸՆԹԵՐՑԱՆՈՒԹՅԱՆ ՕԼԻՄՊԻԱԴԱ**

**Դպրոցական փուլ - 5-րդ դասարան - 120 րոպե**

**ԱՌԱՋԱԴՐԱՆՔ 1.**

Ամեն տեղ գույների խաղ էր ու խնդություն: Բոլորը ուրախ էին ու երջանիկ, իսկ ամենից շատ ուրախ ու երջանիկ էր ծաղիկը. նրա ծննդյան օրն էր: Ծաղիկը ո՛չ կապույտ էր, ո՛չ ճերմակ, ո՛չ դեղին, ո՛չ կարմիր, ո՛չ էլ վարդագույն: Ավելի ճիշտ՝ այդ բոլոր գույները կային նրա թերթիկներին...

Ծաղկի ծննդյան օրվան նվիրված տոնախմբությունը կշարունակվեր, եթե Թեղենիս սարի կատարից սևակնած մի ամպ դանդաղ չսահեր դեպի ծաղիկը: Բոլոր թիթեռներն ու բզեզները, որոնք էկել էին ծաղկի ծննդյան օրը շնորհավորելու, սև ամպը տեսնելուն պես թաքնվեցին թփերի տակ ու լռեցին:

- Ահա այն ծաղիկը, որի մասին մեզ ասել է անտառապահը,- շնջացի ես:
- Դե ի՞նչ եք կանգնել, խմե՛ք նեկտարը,-անհամբերությամբ ասաց Չիկարելին:
- Համբերի՛ր, դեռ ժամանակը չէ,- Չիկարելին հանգստացրի ես ու նայեցի չորսբուրբա: Ծաղկից մի քանի քայլ հեռավորության վրա գտնվում էր ցամաքած աղբյուրը: Աշխարհում ցավալի բաներ շատ կան, որ տխրեցնում են մարդկանց, և այդ ցավալի բաներից մեկն էլ երևի այն է, երբ մարդը ցամաքած աղբյուր է տեսնում...Չե՞ որ մի ժամանակ երկրի ընդերքից բխած այդ հրաշքը կարկաչելով վազել է դաշտերով, զովացրել պապակ հնձվորին, բարություն բաժանել բոլորին: Իսկ հիմա չկա: Ընդմիջտ լռել է...

- Նայի՛ր, նայի՛ր, ամպը մոտենում է մեզ,- ասաց Չիկարելին ու ամուր բռնեց ճկույթս:
- Մի՛ վախենա, դա անձրևաբեր ամպ է... Նա բարի է, նրան սպասում են բոլոր ծաղիկներն ու խոտերը,- ասացի ես ու Չիկարելին դրեցի բաճկոնիս գրպանը:

Ծաղիկը ժպտաց: Ու հենց այդ պահին, ինչպես ասել էր անտառապահը, տաք անձրև ակավեց: Ես մոտեցա ծաղկին ու նրա ականջին շնջացի անտառապահի ասած երեք բառերը: Ծաղիկն օրորեց գլուխը, բացեց իր սիրտը ու մի կաթիլ նեկտար կաթեցրեց իր թերթիկներից մեկի վրա: Ես նեկտարը դրեցի լեզվիս ծայրին...

Աղերսագին հառաչանքներ լսվեցին:

Ես վազեցի դեպի աղբյուրի ակը: Եվ ահա այդտեղ էր, որ փոքրացա, հավասարվեցի Չիկարելին: Նա կանգնած էր իմ կողքին, ինչպես հավասարը հավասարի մոտ: Աղբյուրի ակի մեջ մի կլոր ու ողորկ քար սկսեց երկանքի պես պտտվել: Ես ձեռքս դրեցի այդ քարին ու բարձրաձայն ասացի.

- Քա՛ր, ճամփաս մի՛ փակիր: Քարը վնգոցով ակից դուրս թռավ, ու մեր դեմ բացվեց մի մութ խոռոչ:
- Ներս մտնենք,- Չիկարելի ձեռքից բռնելով՝ նրան ներս քաշեցի ես: Առաջին վայրկյաններին ոչինչ չէինք տեսնում, գնում էինք մթան մեջ խարխափելով: Հետո բացվեց նեղ ու քարքարոտ մի ճանապարհ, որը լուսավորված էր կապտաշաղախ լույսով: Մենք կանգնեցինք, շունչ առանք:
- Իմ պատճառով դուք էլ փորձանքի մեջ ընկաք... Ի՞նչ է լինելու, ի՞նչ,- լացը զսպելով՝ մրմնջաց Չիկարելին:
- Հիմա այդպիսի բաներ խոսելու ու մտածելու ժամանակը չէ. ամենավատ բանը վախկոտ լինելն է: Մարդը նրանով է մեծ, որ հաղթել գիտե... Գնացինք...

**Պատասխանել առաջադրանք 1-ի հարցերին – 5-րդ դասարան**

1. Ելնելով տեքստի բովանդակությունից՝ ընտրի՛ր վերնագիր:

2. Ո՞ր տարբերակը չի համապատասխանում գրվածքի բովանդակությանը.

**Աշխարհի ցավալի բաներից մեկը ցամաքած աղբյուր տեսնելն է, քանի որ...**

ա/ Այն խոխոջյունով վազել է դաշտերով:

բ/ Հովաքրել է ծարավ հնձվորին:

գ/ Բարություն է տարածել:

դ/ Իրականացրել է մարդկանց երազանքները:

3. Գրի՛ր երեք բառ, որոնք բնութագրում են ծաղիկին:

---

4. Գտի՛ր և գրի՛ր այն տողերը, որոնցում խոսվում է վախկոտության և խիզախության մասին:

---

5. Ի՞նչ իմաստով է գործածվել **ակ** բառը:

ա/ Մեքենայի անիվ

բ/ մարդու աչք

գ/ ակունք, ջրի սկիզբ առնելու տեղը

դ/ բողբոջ

6. Ի՞նչ թեմա է քննարկվում գրվածքում:

ա/ Բարության և մարդասիրության

բ/ անտարբերության

գ/ նախանձի և անբարյացակամության

դ/ մեծամտության և եսասիրության

7. Քո կարծիքով ի՞նչ բառեր շնչաց հեղինակը ծաղկի ականջին:

---

8. Ինչո՞ւ չկայացավ ծաղիկի ծննդյան տոնակատարությունը:

9. Ինչպիսի՞նն էր անձրևաբեր ամպը. ովքե՞ր էին սպասում նրան:

10. Գտի՛ր **ուրախ, երջանիկ, անձրևաբեր, նեկտար, ցավալի** բառերի հոմանիշները՝

Անձրևածին, անձրևահոս, անճառագայթ, անձրևանոց, բախտավոր, երանավետ, ապերջանիկ, մեղրահյութ, անմահական, վշտալի, հիվանդագին, զվարթ, խնդուն, բերկրաձայն:

## ԱՌԱՋԱԴՐԱՆՔ 2.

## Մկրտիչ Կորյուն

## ՄԻ ԱԶՔԻ ՏԵՂ՝ ԵՐԿՈՒՍԸ

Հգոր առյուծը ճեմում էր մի օր  
 Անտառների մեջ թարմ ու զովասուն,  
 Երբ դեմն է ելնում Աղվեսն ալևոր,  
 Եվ աղերսանքով այս խոսքերն ասում.

- Ո՛վ տեր արքա, փրկի՛ր դու ինձ  
 Իմ չար ու նենգ հարևանից:  
 Աղվես է նա, ինձ ցեղակից,  
 Բայց զրկում է ինձ իմ որսից:

-Քո ցեղակից աղվեսի դեմ իմ պատիժը կխստանա,  
 Ինչ վնաս որ քեզ ցանկանա, երկու վնաս նա կստանա:

- Ա՛խ, այդ ի՛նչ խելոք վճիռ կտրեցիր,  
 Լավ է, թե միայն ասածդ անես,  
 Դե, արքա՛, շտապ իմ աչքը հանի՛ր,  
 Որ իմ ցեղակցի երկու աչքն հանես...

Ու Առյուծ արքան իր գործն է անում,  
 Տալիս աղվեսի զույգ արքն է հանում:

-Վա՛յ, Առյուծ արքա, այս ի՞նչ արեցիր,  
 Ինչո՞ւ իմ երկու արքն էլ հանեցիր:

-Ով ընկերոջն իր վատ բան ցանկանա,  
 Մեկի տեղ երկու վնաս կստանա,-

Պատասխանում է մեր Առյուծ արքան  
 Եվ շարունակում նորից իր ճամփան:

## Պատասխանել առաջադրանք 2-ի հարցերին – 5-րդ դասարան

### Ընտրի՛ր ճիշտ պատասխանը:

1. Աղվեսը Առյուծին դիմեց, որովհետև՝

ա/ Հոգնել էր իր հարևանի նենգությունից

բ/ Ուզում էր հաճոյանալ Առյուծին

գ/ Չարամիտ էր և նախանձ

2. Ինչու՞ Առյուծը չկատարեց Աղվեսի խնդրանքը

ա/ Նա չէր սիրում Աղվեսին

բ/ Նա չէր հավատում Աղվեսին

գ/ Նրան դուր չեկավ Աղվեսի նենգությունը

3. Ինչու՞ և ինչպե՞ս պատժվեց Աղվեսը. առակում գտի՛ր ճիշտ պատասխանը:

---

---

4. Ի՞նչ է սովորեցնում առակը. գրի՛ր քո մեկնաբանությունը:

---

---

---

5. Գրի՛ր չար, նենգ, ցեղակից, արքա, ճեմել բառերի հոմանիշները:

6. Տեքստում ի՞նչ իմաստով է օգտագործվել **խելոք** բառը.

ա/ համեստ

բ/ հնազանդ

գ/ խելացի

7. Դու ինչպե՞ս կվարվեիր, եթե ընկերոջդ մասին չարախոսեին:

---

---

8. Քո կարծիքով Առյուծը ճի՞շտ վարվեց Աղվեսի հետ:

---

---

9. Ինչու՞ և են առակում Առյուծն ու Աղվեսը գրվել մեծատառով:

10. Գտի՛ր առակի հիմնական միտքն արտահայտող նախադասությունը: